

裏頭安

鐵罐深鐵罐深凡塵俗垢不能侵作用焚燒木上火行持煎煮
水中金

鐵罐光鐵罐光三光照耀瑞中祥每到用時能造化欲將歇處
便清涼

鐵罐燒鐵罐燒昨宵今日與來朝按節安鑪全藉地依時養就
玉芝苗

鐵罐能鐵罐能中兀兀與騰騰杳杳冥冥風作友昏昏默默
月爲朋

鐵罐堅鐵罐堅虛心大肚貯幽玄內外鍊成金玉體一衝直上
道藏輯要

重陽全真集

中胃集一

大羅天

西江月

堪歎西南地順燒柴都是真銀火中焰迸兩般身一半金花綻
盡認得斤星有準卽時分付良因西江月裏弄精神顯出靈童
真印

堪歎水流一道須憑添鼎千遭海心萬丈島竿牢定後尖生芝
草會得功夫早早自然快樂陶陶西江月裏採芝苗攜去十洲
三島

堪歎離門坎戶須隣甲地庚途暗中拍手笑相呼款款合和一
處旣把金關鎖住白羊隊隊成珠西江月裏玉蟾孤朗照長生

穩路

堪歎雲生頂上騰空別有嘉祥幽微玄妙總生光鼎內煎成銀
浪漸漸鍊成金相瑤花朵朵飛颺西江月裏飲瓊漿萬道紅霞
分朗

堪歎木金相間甲夫庚婦開顏笑聲美處水潺潺一派清流出
澗滋潤黃芽無限便教白雪循環西江月裏我躋攀步步銀蟾
顧盼

堪歎日時更改頻頻拂拭靈臺明光一點絕塵埃瑩徹那分內
外占得逍遙自在笛聲散盡寒梅西江月裏桂花開香引清風
一會

道藏輯要

重陽全真集

中胃集一

堪歎白蓮吐秀三車齊駕金牛自然紅艷覆山頭不在勤勞做
就全藉精光護祐丹成照耀神舟西江月裏看瀛洲一派仙歌
共奏

堪歎這般曲調感他石女吹簫山頭謾說水頻澆海底虛言火
燎遭逢圓明正照真風廣布清飈西江月裏喫芝苗味味將來
了了

堪歎一靈真性得來笑殺惺惺不燒香火不看經走入這條捷
徑便把那人喝定今朝說與叮嚀西江月裏最分明堪用家風
清瑩

堪歎青霄碧漢高空景致尤寬今朝清爽有餘權拈出我家公

案方顯平生手段騰身便入雲端西江月裏跨祥鸞直上虛無
仙館

悟真歌

余當九歲方省事祖父享年八十二二十三上榮華日伯父享
年七十七三十三上覺焚耽慈父享年七十三古今百歲七旬
少觀此遞減怎當廿三十六上寐中寐便要分他兒活計豪氣
衝天恣意情朝朝日日長波醉壓幼欺人度歲時誣兒罵嫂慢
天地不修家業不修身只任望他空富貴浮雲之財隨手過妻
男怨恨天來大產業賣得三分錢一分喫著一酒課他每衣飲
全不知余還酒錢說灾禍四十八上尙爭強爭奈渾身做察詳

道藏輯要

重陽全真集

巽

中脩集一
又一文

忽爾一朝便心破變成風害任風狂不懼人人長恥笑一心恐
昧三光照靜虛澄思省己身悟來便把妻兒掉好洗面兮好理
頭從人尙道驕風流家財蕩盡愈無愁怕與兒孫作馬牛五十
二上光陰急活到七十有幾日前頭路險是輪迴舊業難消等
閑失一失人身萬劫休如何能得此中脩須知未老聞強健棄
穴拋墳雲水遊雲水遊兮別有樂無慮無思無做作一枕清風
宿世因一輪明月前身約

贈弟子頌

譚仙入道慧刀能舉棄妻割愛捨了男女卻要隨余余應便許
羨公決烈羨公顯露我吐真誠卻有少訴入道非難亦非易做